

Շոգովուրդ

91
(2941)

4 հուլիսի հինգշաբթի 2024
տպագրության ԺԳ տարի

Է. Երեւան, Արմավյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

67 ՄԼՆ ԾԱԽՄ ԱՌԱՆՑ ՓԱՍՏԱԹՂԹԵՐԸ ՆԵՐԿԱՅԱՑՆԵԼՈՒ



Հեղափոխության համար մեկ թիրախը, որին 2018 թվականին ուղված էր Նիկոլ Փաշինյանի նետը, կոռուպցիան էր, պետական գնումների ոչ թափանցիկությունը: Նիկոլ Փաշինյանը, ընդդիմադիր պատգամավոր եղած ժամանակ, Ազգային ժողովում եւ բոլոր հնարավոր բարձրախոսների առաջ պահանջում էր թափանցիկություն եւ բողոքում, որ նախկին իշխանությունը կոռուպցիայի բույն է, եւ այն անհապաղ քանդել է պետք:

Բանն այն է, որ ներկայացվում է քաղվածք ՅՅ Հաշվեքննիչ պալատի եզրակացությունից առ այն, որ միայն մեկ ոլորտում՝ ճանապարհաշինությունում, իշխանությունները 67 միլիարդ են ծախսել բյուջետային գումարներից. մեղմ ասած՝ ծախսել են առանց դրանց հիմնավորող փաստաթղթերը ներկայացնելու, հրապարակելու:

Այս լայնամասշտաբ՝ թվով 362 գործարքներին առաջիկայում կլինի առավել մանրամասն անդրադարձ, միայն փաստենք, որ Հաշվեքննիչ պալատը այսօր այն եզակի կառույցներից է, որ դեռեւս այք չի փակում Փաշինյանի միաեծան «դեմոկրատական» իշխանության չարաշահումների վրա:

Խնամքով անտեսված փաստաթղթերը հիրավի փյուզում են ժամանակին Փաշինյանի կողմից ներկայացրած հեղափոխական արդյունքները:

«Ժողովուրդ» օրաթերթը որոշ ԶԳ-ականներից փորձեց հարցերի պատասխան ստանալ, թե ինչպես է ստացվել, որ ծախսի չափն արձանագրվել է, բայց փաստաթղթային որեւէ հիմնավորում չկա:

Աժ ԶԳ-ական պատգամավոր Վահագն Ալեքսանյանը նշեց, որ սա ամենեւին իր ոլորտը չէ, սակայն պատասխաններ կարող ենք ակնկալել տարածքային կառավարման, տեղական ինքնակառավարման, գյուղատնտեսության եւ բնապահպանության հարցերի կամ Ֆինանսավարկային եւ բյուջետային հարցերի մշտական հանձնաժողովներից:

Պատասխաններ, իհարկե, կփորձենք ստանալ, սակայն դրանց արդյունքները խոստումնալից կլինեն, թե ոչ, ասել չենք կարող:



ՀՀ ՀԱՇՎԵՔՆՆԻՉ ՊԱԼԱՏ



Նշանակության ավտոմատացում հիմնանորոգում	Միջանկյալ	Ընդամենը
Միջանկյալ	58	6,866,828,940
Ընդամենը	31	731,371,405
Տրանսպորտային օբյեկտների հիմնանորոգում	362	69,465,965,030
Ընդամենը		66,917,987,995

Կառավարության ղեկավար Նիկոլ Փաշինյանը 2024 թվականի հունվարին երջանկություն պարգևեց ՅՅ ժողովրդին՝ հայտարարելով, որ Ամուլ-տարի հանքի շահագործող «Լիդիան Արմենիա» ՓԲԸ-ն Հայաստանի Հանրապետությանն է նվիրել բաժնետոմսերի 12.5 տոկոսը, եւ որ դրանք իրենց՝ կառավարությանը չեն, այլ ՅՅ հայրտ քաղաքացուն ու ժողովրդին են: Ստացվում է, որ մենք, բոլորովին անտեղյակ, ստանում ենք «նվեր» մի կազմակերպության բաժնետոմսեր, որը, 2023 թվականի պաշտոնական արդյունքներով, հարկային վնասի մեծությամբ 11-րդն է, ինչն անսխաղեպ բացասական ցուցանիշ է: Թե ինչ կասեր նման «նվեր» ստանալիս նախկին կառավարության հասցեյին ընդդիմադիր Նիկոլ Փաշինյանը, թողնում ենք ընթերցողի երեւակայությանը, սակայն փաստ է, որ գեղեցիկ եւ շքեղ բառերի տակ այլ բան է թաքնված:




Կուտակային կենսաթոշակների՝ ամիսներ շարունակ ձգվող հարցը իսկական պատուհաս է դարձել բռնի տեղահանված արցախցիների համար: 2019 թվականից նրանց կուտակված կենսաթոշակային գումարների ճակատագիրն անորոշ է մնում, իսկ պատկան մարմինները տարբեր պատճառաբանություններով ձգձգում են հարցը, ինչի պատճառով բազմաթիվ սոցիալական խնդիրների առջեւ կանգնած արցախցիները չեն կարողանում ստանալ իրենց հասանելիք գումարը: Այսպիսով՝ դեռ այս տարվա սկզբին՝ փետրվար-մարտ ամիսներին, Արցախի խորհրդարանն արտահերթ նիստով համապատասխան փոփոխություններ արեց «Կուտակային կենսաթոշակների մասին» օրենքում, որ այն արցախցիները, ովքեր ուզում են շուտ ստանալ իրենց կուտակված միջոցները, կարողանան գումարը վերցնել, երբ իրենց անհրաժեշտ է: Հայաստանի խորհրդարանն էլ, հունիսի 11-ին հրավիրված արտահերթ նիստերի ժամանակ, ընդունեց օրինագիծ, որով ԼՂ-ի կուտակային համակարգում ձեւավորված կենսաթոշակային խնայողությունները տեղափոխվում են ՅՅ-ում գործող կենսաթոշակային ֆոնդեր: Արցախցիները, սակայն, արդեն տեւական ժամանակ է՝ չեն կարողանում ստանալ գումարները, դիմում են տարբեր պատկան մարմինների, սակայն հարցը մեկը մյուսի վրա են գցում: Ինչպես Արցախի ՄԻՊ Գեղամ Ստեփանյանն էր հայտնել՝ խոսքն ընդհանուր առմամբ մոտ 17 մլրդ դրամի եւ մոտ 34.5 հազար շահառուի մասին է: «Ժողովուրդ» օրաթերթի տեղեկություններով՝ Արցախի պատգամավորները օրերս քննարկում են ունեցել Հայաստանի ընդդիմադիր պատգամավորների հետ, որպեսզի վերջիններս կարողանան խորհրդարանում հարցին լուծում տալ: Մեզ հետ զրույցում «Հայաստան» խմբակցության քարտուղար Արծվիկ Մինասյանն ասաց, որ պատրաստվում են օրենսդրական նախաձեռնությամբ հանդես գալ, որը կկարգավորի խնդիրը եւ հնարավորություն կտա արցախցիներին ստանալու իրենց հասանելիք գումարը: Եթե ԶԳ-ն մերժի այն, ինչը շատ հավանական է, ապա ընդդիմադիրները դիմելու են Սահմանադրական դատարան:



Կարգապետի աշխատակազմի խմբից մատակարարի շահույթը գրեթե կրկնակի պակասել է: Ինչին է պարտական նման վստահության համար «Վինո Վինո» ՍՊԸ-ն, թերեւս հայտնի կղառնա հետազայում, քանզի ՍՊԸ-ն ՅՅ հարյուրավոր ոգելից խմիչք վաճառող կազմակերպություններից եզակին է, որը «մեկ անձից» գնման ռեժիմով Նիկոլ Փաշինյանի հիմնարկին պարբերաբար մատակարարում է խմիչք: Տարակուսելին այն է, որ հիշյալ մատակարարումների եւ ՅՅ տնտեսական աճի ֆոնին՝ «Վինո Վինո» ՍՊԸ-ի շահույթը վիթխարի անկում է ապրում՝ 2022 թվականի 734.7 միլիոն դրամի համեմատ 2023 թվականի շահույթը դարձել է 468.4 միլիոն դրամ: Սա կարող է իրատեսական լինել, եթե օրինակ, որեւէ գնորդ ապրանքի դիմաց «փողը չի տալիս» կամ կազմակերպությունը այնքան արտոնյալ վիճակ է վաստակել, որ կարողանում է նվազ արտացույցի հարկվող շահույթը:

VINO & VINO

ԶՐՈՒՅՑ

«ԻՆՉ ԱՌԲԵՋԱՆՆ ԿԱՆԵԼ Է՝ ԱՐԵԼ Է». ԸՆԲՄԱԶԱՆՈՎ

«Ժողովուրդ» օրաթերթի հեռուստացույցում ՀՀԿ խոսնակ Էդուարդ Շարմազանովը հայտարարել է, որ եթե Նիկոլ Փաշինյանի հեռախոսը մի քանի րոպե վերցնեն ու անհասանելի լինի, ՔՊ-ն չի իմանա՝ ինչպես վարվի, քանի որ հրահանգներ չեն լինի:

«Պարոն Շարմազանով, իշխանությունն ու իշխանությանը հարող ուժերը արդեն սպառված են մարած են համարում Բազրատ սրբազանի գլխավորած «Տավուշը հանուն հայրենիքի» շարժումը: Ավելին՝ Նիկոլ Փաշինյանն ասում է, որ քաղաքացիները ընդունում են իրական եւ պատմական Հայաստանների մասին մեր տեսակետը այդ պատճառով էլ ընդդիմադիր որդեկ շարժում չի հաջողում, քանի որ դուք էլ մասնակցում էիք շարժման հանրահավաքներին, խնդրում ենք՝ մեկնաբանեք այս արտահայտությունը եւ այս տեսակետը:

«Քանի որ հարցը մի քանի շերտ է ենթադրում, հերթով անդրադառնամ բոլոր շերտերին:

Շարժման մասին, կարծում եմ, ավելի օբյեկտիվ կլինի շարժման առաջնորդը եւ անդամները մեկնաբանություն տան: Սակայն կարող եմ գնահատական տալ ազգային ընդվզման եւ Հայաստանում տիրող քաղաքական իրավիճակի վերաբերյալ: Հայաստանում կա կոնսենսուս Նիկոլ Փաշինյանի հեռացման վերաբերյալ: Քաղաքացիների ճնշող մեծամասնությունը չի պաշտպանում Նիկոլի վերադարձը: Հայաստանի ադրբեջանացի օրակարգը, սա փաստ է:

Ինչ վերաբերում է շարժումները չհաջողելու մասին անհեթեթե տեսակետին՝ առ այն, որ ժողովուրդը համաձայն է իշխանության հետ, ապա դա տգետ է անտրամաբանական գնահատական է: Օրինակ՝ 428-ից 885 թվականը Հայաստանը չի եղել անկախ. ստացվում է՝ եթե Հայաստանը եղել է բյուզանդական, ապա պարսկաբյուզանդական, արաբական կամ պարսկական լծի տակ նշանակում է, թե ժողովուրդը այդ չորսուկես դարը երջանիկ է ապրել, որ եթե անկախությունը վերականգնել չի ստացվել, ուրեմն համաձայն է եղել լծի տակ ապրելուն: Սա Նիկոլիստաթուրքական լուծ է: Չկա Հայաստանի անկախություն, կա Հայաստանի ադրբեջանականացում եւ Էրդոհանի ու Ալիեի քնահաճուկներով առաջնորդվող ռեժիմ՝ Նիկոլ Փաշինյանի ռեժիմ, բայց սա չի նշանակում, որ Հայկը Բելին չի հաղթելու: Կլիսի դիմադրություն, կլիսի Սրբազան, կլիսի



այլ որդեկ շարժում: Շարժումների ձեւն է փոխվում, բայց բոլորի բովանդակությունը նույնն է՝ Հայաստանի ազգային պետականության վերականգնում եւ Հայաստանում պանթուրքիստական ուժերի վերջնական հաղթանակի տապալում:

Ինչ վերաբերում է իրական եւ պատմական Հայաստաններին, ապա ժողովուրդը ապրում է թուրք-նատուական ռեժիմի տակ: Եթե նրան սատարեին, ոչ թե մի քանի տասնյակով հեծանկվի շքերթներ կաներ, այլ Բազրատ սրբազանի նման հրապարակը կլցներ: Կարո՞ղ է, թող երկու օրում լցնի: 2018 թվականին երկու ժամում Բաղրամյան պողոտա էր լցնում ու Ազգային ժողովի վրա հարձակվում, հիմա թող անի. կարո՞ղ է: Հայ ժողովուրդը ոնց կարող է պաշտպանել մեկին, ով Արցախ է հանձնել, ով գիտակցված 5000 զոհ է տվել, ով Շուշի է հանձնել, ով Արարատ լեռնից է հրաժարվում, ով այսօր անկախության հռչակագրից ու Սահմանադրությունից է հրաժարվում, Եռաբլուրից է հրաժարվում, Ալիեից ավելի լավ է հիմնավորում այն, որ Արցախն Ադրբեջանի կազմում պիտի լինի:

Նա պարզապես, թուրքերի հետ միասին, պատերազմով շանտաժ է անում ժողովուրդին: Սա պատմության առաջին

դեպքն է, որ պետությունը ոչ թե զինված պայքարի կոչ է անում, ոչ թե զինված ուժերի բարեփոխման, ռազմական սպառազինություն ստանալու կամ դաշնակիցների հետ հարաբերությունների ամրացման կոչ է անում այլ ասում է՝ խաղաղություն: Ի՞նչ խաղաղություն, այդ խաղաղությունը կար. գերեզմանում էլ է խաղաղություն, Թուրքիայի հայ համայնքն էլ է խաղաղ ապրում, Արցախում էլ խաղաղ հիմա, բայց հայ չկա. սա է Նիկոլի բերած խաղաղությունը: Եթե նուզում եք՝ Հայաստանի Հանրապետությունում էլ այդպես լինի, ինչ ասեմ:

Հայաստանն ամբողջությամբ ենթարկեցրել են Թուրքիային ու թիմով դա ներկայացնում են՝ որպես հաղթանակ:

«Պարոն Շարմազանով ՀՀ-ն հայտարարել է, որ մեկ ամսում պատրաստ է ստորագրել խաղաղության պայմանագիրը, իսկ Ալիեյն ասել է, որ կստորագրի միայն, երբ ՀՀ Սահմանադրությունը փոխվի: Ավելի վաղ տեղեկություն տարածվեց, որ Ադրբեջանը պահանջում է հրաժարվել իր դեմ ներկայացված դատական հայցերից: Կզևամ արդյոք Հայաստանը նման քայլի:

«Մինչև է հիմա ի՞նչ է ասել Ադրբեջանը, որ Նիկոլը չի արել: Ամեն բան արել է: **Ջրուցեց ՔՊԻՍՄՆԱ ՍՈՒՇԵՂՅԱՆԸ**

ՔԱՂԱՔԱԿԱՆ ՆՈՐՈՒԹՅՈՒՆՆԵՐ

ՄԻՐԶՈՅԱՆԸ՝ ԽԱՂԱՂՈՒԹՅԱՆ ՊԱՅՄԱՆԱԳՐԻ ՄԱՍԻՆ

Հայ-ադրբեջանական խաղաղության պայմանագիրը մեկ ամիս ինտենսիվ աշխատելու դեպքում կարելի է ստորագրել:

Այս մասին թիվիսի կատարած այցի ժամանակ հայտարարել է Հայաստանի արտգործնախարար Արարատ Միրզոյանը՝ Վրաստանի ԱԳ նախարար Իլյա Դարչիաշվիլիի հետ երկկողմ հանդիպմանը հաջորդած համատեղ ասուլիսի ընթացքում:

«Մենք կարծում ենք, որ սա պատմական իրադարձություն է մեր տարածաշրջանում կայուն խաղաղության պահպանման եւ հաստատման համար: Կցանկանալի նաեւ քննարկել ենք պակասագումարը»:

ների եւ հաղորդակցությունների ամբողջական բացման կարելիությունը տարածաշրջանում կայունության զարգացման եւ ապահովման տեսանկյունից: Մենք կառուցողականորեն տրամադրված ենք Հայաստանի եւ Ադրբեջանի միջեւ ենթակառուցվածքների եւ տրանսպորտային հաղորդակցությունների ամբողջական ապաշրջանակմանը», - ասել է նա:

ՌԴ ԱԳՆ ՏԵՍԱԿԵՏԸ

«Հայաստանին եւ Ադրբեջանին ՆԱՏՕ-ի վաշինգտոնյան գազաթնամուղովին հրավիրելով՝ Արեւմուտքը ցանկանում է Ռուսաստանի բարեկամներին պոկել վերջինիս հետ համագործակցությունից», - ասել է ՌԴ ԱԳՆ տեղեկատվության եւ մամուլի դեպարտամենտի

փոխտնօրեն Անդրեյ Նաստասինը: Այս մասին գրում է news.ru-ն:

Նրա խոսքով՝ «սա ամերիկացիների՝ իրենց կործանարար ազդեցությունը տարածելու փորձերի հերթական օրինակն է»:

«Սա ամերիկացիների՝ իրենց կործանարար ազդեցությունն աշխարհի բոլոր տարածաշրջաններում տարածելու փորձերի եւս մեկ օրինակ է: Եվրոպայում թույլ կամք ունեցող արբանյակների լիակատար ներդրման պայմանում վաշինգտոնը խնդիր է դնում մեր ընկերներին եւ հարեաններին պոկել Ռուսաստանի հետ համագործակցությունից», - ասել է նա:

Ավելի վաղ հայտնի էր դարձել, որ ԱՄՆ-ն հրավեր է ուղարկել Երեւանին եւ Բաքվին ՆԱՏՕ-ի գազաթնամուղովի շրջանակում գործընկերների հանդիպմանը: Միջոցառումը տեղի կունենա հուլիսի 9-ից 11-ն ԱՄՆ մայրաքաղաք Վաշինգտոնում:



ԻՆՉ ՈՒՆԵՑՎԱԾՔՈՎ ՀԵՌԱՅԱՎ ԿՈՄԻՏԵԻ ՆԱԽԱԳԱՀԸ

ՀՀ վարչապետ Նիկոլ Փաշինյանի որոշմամբ՝ բարձր տեխնոլոգիական արդյունաբերության նախարարության ռազմարդյունաբերության կոմիտեի նախագահ Արտյոմ Մեհրաբյանը հուլիսի 1-ից ազատվել է պաշտոնից:

Մեհրաբյանը պաշտոնի նշանակվել էր 2022 թվականի մայիսին:

Հավելենք, որ ռազմարդյունաբերության կոմիտեն ԲՏԱ նախարարության էր միացել 2019 թվականին:

«Ժողովուրդ» օրաթերթը ներկայացնում է՝ ինչ ունեցվածքով հեռացավ պաշտոնից կոմիտեի նախագահը:

Մեհրաբյանը հայտարարագրել է 1 անշարժ գույք՝ 1 բնակարան բազմաբնակարան շենքում, որը ձեռք է բերվել 2017 թվականին Երեւան քաղաքում: Կոմիտեի նախագահը չի հայտարարագրել որդեկ տրանսպորտային միջոց:

Բանկային հաշիվների մնացորդները կազմել են 130 մլն դրամ, կանխիկ դրամական միջոցները՝ 10 մլն դրամ:

Ռազմարդյունաբերության կոմիտեի նախագահի հաշվետու տարվա եկամուտները կազմել են 16 մլն 327 հազար դրամ, որից 14 մլն 101 հազարը աշխատանքի վարձատրություն է ՀՀ Բարձր տեխնոլոգիական արդյունաբերության նախարարությունից՝ որպես աշխատանքի վարձատրություն:

Արտյոմ Մեհրաբյանի ստացված վարկերի եւ փոխառությունների մայր գումարի մնացորդը հաշվետու տարվա դեկտեմբերի 31-ի դրությամբ կազմել է 45 մլն 404 հազար դրամ, որը բնակարանի հիփոթեքի մայր գումարի մնացորդն է: Հենց այս պատճառով կոմիտեի նախագահը ՀՀ ֆինանսների նախարարությունից ստացել է 2 մլն 226 հազար դրամ, որը եկամտահարկի վերադարձի օրենքով հիփոթեքի մայր գումարը մարելու համար է:

Հիշեցնենք, որ Արտյոմ Մեհրաբյանը եղել է Չարենցավանի հաստոցաշինական գործարանի տնօրեն: Նա «Ժողովրդավարական հայրենիք» կուսակցության փոխնախագահ, վաղամեռիկ Ղուկաս Մեհրաբյանի որդին է: Նա 2019 թվականի փետրվարին նշանակվել էր Աջափնյակ վարչական շրջանի աշխատակազմի ղեկավար, ապա ռազմարդյունաբերության կոմիտեի նախագահ:

Հիշելով, որ չապացուցված թեորեմ կա իշխանության շրջանում, որ խնամի-ծանոթ-բարեկամ հանգույցը հեղափոխությունից հետո չպետք է գործեր՝ բերելնք փաստարկներ, որ ավելի արմատացած այն երբեք չի եղել: Բանն այն է, որ Մեհրաբյանի կինը՝ Աննա Բալայանը, աշխատանքային գործունեություն է ծավալում ամուսնու նախկին աշխատավայրում՝ Աջափնյակ վարչական շրջանի թաղապետարանում՝ որպես ընդհանուր բաժնի ղեկավար:

Հենց այս տեսքն ունի իշխանության կողմից սիրված «պոզով եւ պոչով» կոռուպցիան:

ԻՐԱՎԻՃԱԿ

ՀՈՂԱՇԽԱՏԱՆՔՆԵՐԸ՝ ՎՆԱՍԻ ՊԱՏՃԱՌ

ՂԷԿ-Ի ԱՇԽԱՏԱՆՔԸ՝ ԽԱՓԱՆՎԱԾ ԵՎ ՎՏԱՆԳՎԱԾ

ՔԱՌՍԱՅԻՆ ԻՐԱՎԻՃԱԿԸ՝ ՆՈՒԲԱՐԱՇԵՆՆՈՒՄ



Նուբարաշեն վարչական շրջանի 11-րդ փողոցում քառասյին իրավիճակ է տիրում:

Վերը նշված հասցեի խաղահրապարակում արդեն 6 ամիս է, ինչ կոտրված են շատ կարուսելներ, այդ թվում՝ ճոճանակներ, սահնակներ, ինչի պատճառով երեխաները չեն կարողանում խաղալ իրենց բակում և ստիպված գնում են ուրիշ բակեր:

Բնակիչները ArmLur.am-ի հետ զրույցում նշել են, որ թաղապետարանն այս ամենին ուշադրություն չի դարձնում, ճոճանակները չի վերանորոգում և դրանց վիճակը գնալով ավելի վտանգավոր է դառնում, քանի որ ամեն պահի կարող է շուռ գալ:

Չնայած այս ամենին՝ խնդիրները այս քանակ չեն սահմանափակվում: Բնակիչներից մեկն էլ իր դժգոհությունը հայտնեց այն մասին, որ երեկոյան ժամը 8-ից հետո չեն կարողանում դուրս գալ բակ, քանի որ ամեն քայլափոխի զազազած շներ կան:

«Ամեն բակում 6-7 շուն կա, անգամ շքամուտքեր են մտնում: Վտանգավոր է հիվանդ շներ են: Չկա մի այնպիսի օր, որ երեխայի կրա չհարձակվեն: Անգամ դպրոց չեն կարողանում երեխաներին միայնակ ուղարկել, քանի որ դպրոցի դիմաց 4-5 շուն կա նստած: Ահ ու սարսափի մեջ ենք»,- ասաց մեր զրուցակիցը:

ArmLur.am-ը կապ հաստատեց Նուբարաշեն վարչական շրջանի ղեկավար Անդրանիկ Գասպարյանի հետ՝ պարզելու՝ ինչու ուշադրություն չեն դարձնում խաղահրապարակներում տիրող իրավիճակին և ի՞նչ են պատրաստվում անել թափառող շների հարցով:

Մեզ հետ զրույցում վարչական շրջանի ղեկավարն ասաց, որ խաղահրապարակներում նորմալ վիճակ է, հնարավոր է, որ մի քանի դեռալ պակաս լինի կարուսելների վրայից. «խաղահրապարակները նորմալ վիճակում են, այնտեղ կարող է մեկ կամ երկու դեռալային ինչ-որ բան կոտրված լինի: Այս ամսվա 20-ին դեռալներ են բերելու, որ մաշված դեռալները դրանցով փոխարինվեն, իսկ մնացած խաղահրապարակները իդեալական վիճակում են: Նույնիսկ հիմա էլ սկսել ենք կարուսելներում ռեզինից հատակներ դնել, որ ավելի հարմար լինի»:

Անդրադառնալով նաև թափառող շներին՝ Անդրանիկ Գասպարյանն ասաց, որ կա առանձին հիմնարկ, որը զբաղվում է այս հարցով:

«Թափառող շներով զբաղվող առանձին հիմնարկ կա, գալիս են՝ մենք էլ հետևում ենք, տանում ստերոցացնում են են բերում, իսկ որը որ վտանգավոր է, էլ հետ չեն բերում»,- նշեց Գասպարյանը:

Արվյան խոսրացված համայնքի Պճղնի գյուղին հարող Սեւան-Երեւան մայրուղու հասկածում գտնվող քմբերը փորվել են, հողը սեղափոխել, լցրել են հարակից ձորակը: Արդյունքում վնասվել է «Գնդասար ՓՀԷԿ» ՄՊԸ-ին դասկանող խողովակաւարը, որի արդյունքում տուժել է եւ ղեւսությունը, եւ ՓՀԷԿ-ի սեփականատերը:

Ամեն բան պատմելը հենց սկզբից. «2023 թվականի հուլիս ամսին ինձ տեղեկացրին, որ հուլիս ամսին ՓՀԷԿ-ի սերվիտուտով հատկացված տարածքի մոտ հողային աշխատանքներ են կատարվում: Ճշտեցինք՝ ովքեր են իրականացնում աշխատանքները և հանդիպեցինք նրանց հետ: Երբ հանդիպեցինք, ինձ ասացին. «Սխալ տեղ են կառուցել քո ՅԷԿ-ը, խողովակաշարերը պիտի հավաքես, տանես, որովհետեւ այս ամբողջ տարածքը՝ ձորը ներառյալ, մենք ենք ձեռք բերել, մեր սեփականն է»»,- ասաց «Գնդասար ՓՀԷԿ»-ի հիմնադիր Սարգիս Գամբուրյանը:

Գնդեսար ՓՀԷԿ-ի և Պճղնի համայնքապետի միջև «Կամավոր սերվիտուտի պայմանագիր» կնքվել է 2012 թվականի մայիսի 10-ին: 12 տարի անց ՅԷԿ-ի աշխատանքը խափանված է և վտանգված: Սարգիս Գամբուրյանն, ով ՅԷԿ-ի հիմնադիրն է, փաստաթղթեր է ներկայացրել, թե ինչպես է ձեռք բերել հողակտորը, ինչպես է ստացել կառուցապատման համապատասխան թույլտվությունը, տարածքում գտնվող իրեն պատկանող հողամասի սեփականության վկայականը, սակայն ոչինչ չի օգնել՝ աշխատանքները սկսվել են և շարունակվում են:

«Ես ստիպված դիմեցի Արվյան քաղաքի համայնքապետարան՝ իմ խոսքերը հիմնավորելու համար: Պատասխան ստացա, որ՝ այո, ճիշտ եք. հողը համայնքին է պատկանում, որը սերվիտուտի պայմանագրով տրված է ինձ ՅԷԿ-ի կառուցման համար: Փորձեցի կապվել աշխատանքներ իրականացնողների հետ՝ գրությունը ցույց տալու համար, քանի որ աշխատանքների հասել էին խողովակաշարի սահմանագծին, սակայն ավելի արագացված տեմպով սկսվեցին աշխատանքներ իրականացնել»,- պատմում է Գամբուրյանը:



Այլուք գետը համարվում է սելավատար, որը ոռոգում է նաև Երեւան քաղաքի Ավան վարչական շրջանը, որի վթարման արդյունքում բնապահպանական աղետը կլինի անխուսափելի և ամեն ինչ տանում է դրան: Google Earth-ում կարող ենք տեսնել, թե ինչպես է Երեւան-Սեւան մայրուղուն հարող տարածքում փոփոխվել ռելիեֆը: Օրինակ՝ 2014 թվականի քարտեզում ակնհայտ երեւում է կանաչապատ տարածքը և գետը, Google-ի կողմից արված հաջորդ նկարը 2015 թվականին է արված, հստակ երեւում է, որ աշխատանքներն արդեն սկսվել են, 2016, 2017, 2018, 2019-ին լայնածավալ հողալցման աշխատանքներ են իրականացվել: 2023 թվականի ապրիլին կանաչապատ տարածքը դարձել է անապատային տարածք: Հարակից բլուրը քանդել են հողը լցրել են ձորակը, իսկ այժմ հարթեցված բլուրի տարածքը վաճառվում է. հեռախոսահամարն անհասանելի էր, բայց ըստ մեր տեղեկությունների՝ տարածքի հողամասը վաճառվում է 4 մլն ԱՄՆ դոլարով: Սարգիս Գամբուրյանը բազմաթիվ դիմումներ, գրություններ է գեկուցագրեր է հղել ՀՀ վարչապետ Նիկոլ Փաշինյանին,

ՀՀ բնապահպանության և ընդերքի տեսչական մարմնի ղեկավար Հովհաննես Մարտիրոսյանին, Տեսչական մարմնի Կոտայքի տարածքային բաժնի պետ Դավիթ Դավթյանին, ՀՀ ՏԿԵ նախարար Գնել Սանտոսյանին, Ջրային կոմիտեի նախագահ Վահագն Գեորգյանին և այլ կառույցների եւ: «Գնդասար ՓՀԷԿ»-ի սեփականատերը ոչ մի կառույցից մինչ այսօր չի ստացել որեւէ պատասխան, սակայն տեղյակ է, որ վարույթ են հարուցել, բայց թե ինչ ընթացք ունի վարույթը, տեղյակ չէ:

«Ինչքան ես տեղյակ եմ ինչ-որ վարույթ է հարուցվել պետությանը վնաս հասցնելու հանգամանքով: Մեկ անգամ ԱԱԾ-ի Արվյանի բաժնի են ինձ կանչել, դեռ պատասխան չկա»:

Հողատարածքը, որում հողաշինական աշխատանքներից հետո ընդհատվել է ՓՀԷԿ-ի աշխատանքը, դադարել է նաև Այլուք գետի հոսքը, գետի մի մասը արդեն ճահճացել է: Լցնված հողի արդյունքում վնասված հողաշերտի տակից դուրս եկող ջուրը լցվում է ՀՀ ՊՆ հատուկ պահպանվող տարածք, որի մի մասը հայտնվել է ճահճի մեջ:

Հարունակությունը՝ ArmLur.am կայքում: ԷՄՍՍ ՍԻՔՍԵՆԵՆՍ

ՕՐՎԱ ԽՃԱՆԿԱՐ

ԱՄՆ-ԻՑ ՊԱՏՎԻՐԱԿՈՒԹՅՈՒՆ Է ԺԱՄԱՆԵԼ

ԱՄՆ սենատոր Ռոջեր Վիքերի գլխավորած պատվիրակությունը ժամանել է Հայաստան:

«Ժողովուրդ» օրաթերթը տեղեկացավ, որ պատվիրակությունը Հայաստան է եկել երեկ և այստեղ կլինի մինչև հուլիսի 5-ը:

Սենատոր Վիքերը հանրապետական ավագ անդամն է ԱՄՆ Հելսինկյան հանձնաժողովում, որը հայտնի է որպես Եվրոպայում անվտանգության և համագործակցության հանձնաժողով: Սենատոր Վիքերը նաև Սենատի Զինված ծառայությունների հանձնաժողովի հանրապետական ավագ անդամն է:

ԱՄՆ սենատորի գլխավորած պատվիրակության կազմում են Հելսինկյան հանձնաժողովի նախագահ, ներկայացուցիչների պալատի անդամ Ջո Վիլսոնը, համա-նախագահ, սենատոր Բեն Քարդինը, որը նաև Սենատի արտաքին հարաբերու-

թյունների հանձնաժողովի նախագահն է, ինչպես նաև սենատոր Ջոն Քորնին, ներկայացուցիչների պալատի անդամ Ռոբերտ Ադերհոլտը, ներկայացուցիչների պալատի անդամ Ռիչարդ Հադսոնը, ներկայացուցիչների պալատի անդամ Թրենթ Քելին և ներկայացուցիչների պալատի անդամ Էնդի Յերիսը:

ՔՐԻՄՍԻՆԱ ՍՈՒՇԵՂՅԱՆ

ՕԿՈՒՊԱՑԻՈՆ ՆՈՐ ՊԱՐԱՆՋՆԵՐ Է ԳԻՐԵԼ

«Թաթոյան» հիմնադրամը հայտարարություն է տարածել, որում, մասնավորապես, ասվում է. «Ադրբեջան «խաղաղա-սեր» իշխանական քարոզչությունը Հայաստանին Նոր օկուպացիոն պահանջներն է ներկայացնում՝ այս անգամ առավել սթափեցնող ցանկով:

Ըստ այդմ՝ ՀՀ Սահմանադրության մեջ պետք է կատարել, այսպես կոչված, «արեւմտյան ադրբեջանցիների վերաբերման» առնչվող 2 փոփոխություն՝

1) «արեւմտյան ադրբեջանցիների» անվտանգության ապահովում՝ օտարերկրյա միջնորդական առաքելության երաշխավորությամբ: Հայաստանում պետք է տեղակայվեն զինված ուժեր այն երկրից, որը դաշնակից է Ադրբեջանին ու վայելում է վստահություն (ակնհայտ է չէ՞ որ երկիրն է):

Քանի որ Ադրբեջանը չի վստահում Հայաստանին, ինչ-որ փուլից սկսած «արեւմտյան ադրբեջանցիներն» իրենք պետք է ունենան սեփական անվտանգությունը կազմակերպելու հնարավորություն՝ զինված ստորաբաժանումներ ստեղծելով:

2) «արեւմտյան ադրբեջանցիների» ադրբեջաներենով կրթության իրավունքի ապահովում:

Այս առաջարկները «Արեւմտյան Ադրբեջան» օկուպացիոն հայեցակարգի Նոր զարգացումներ են, որոնք հիմնված են բացարձակ կեղծիքի վրա, որ անտեսել չի կարելի: Ընդ որում, ադրբեջանական իշխանական տարբեր աղբյուրներ նշում են, որ «վերաբնակեցման» ենթակաների թիվը 300,000 է:

Հարունակությունը՝ ArmLur.am կայքում:

ԿԱԼԱՆԱՎՈՐՈՒՄ

ՊԵՏԱԿԱՆ ԳԱՎԱՃԱՆՈՒԹՅԱՆ ԳԵՊՔ

ՀՀ բննչական կոմիտեի ղեկավար, սահմանադրական կարգի հիմունքների և հասարակական անվտանգության դեմ ուղղված հանցագործությունների բննչության գլխավոր վարչությունում 2024 թվականի հունիսի 26-ին նախաձեռնված ֆրեական վարույթի նախաձեռնության ընթացքում ստացվել են փաստական սվյալներ Երևան ֆաղաֆի 43-ամյա բնակչի կողմից առերեսույթ լրեսուրյան, ղեկական գաղտնիք դարունակող սեղեկություններ հանձնելու և թեմամական գործունեություն իրականացնելու համար օսարեկրյա հասուկ ծառայությունների ներկայացուցչին այլ օգնություն ցույց տալու եղանակներով ղեկական դավաճանություն կատարելու վերաբերյալ:



Մասնավորապես, ՀՀ ԱԾ աշխատակիցների կողմից իրականացված օպերատիվ-հետախուզական միջոցառումների, ինչպես նաև վարույթի իրականացնող մարմնի կողմից կատարված քննչական և վարույթային այլ գործողությունների արդյունքում պարզվել է, որ նշված անձը, հանդիսանալով պայմանագրային զինծառայող և կոչումով կրտսեր սերժանտ, «odnoklassniki.ru» սոցիալական ցանցում առկա իր տվյալներով օգտահաշվով 2023թ. հունվար ամսից կապ է հաստատել ադրբեջանական հատուկ ծառայությունների ներկայացուցչի հանդիսացող, նույն սոցիալական կայքում մտացածին անվամբ օգտահաշվի ներքո քողարկված անձի հետ: Ծավալված սիրային գրույցների արդյունքում, վերջինս մտերիմ հարաբերություններ է հաստատել ՀՀ ՋՈՒ նշված պայմանագրային զինծառայողի հետ և, հավաքագրել վերջինիս:

Քանակի և տեսակի, մարտական դիրքերի տեղակայման վայրերի, հրամանատարական կազմի անհատական տվյալների, մարտական դիրքերի մի շարք փաստաթղթերի և այլնի վերաբերյալ պետական, ծառայողական գաղտնիք կազմող, ինչպես նաև ռազմական բնագավառի այլ տեղեկություններ հանդիսացող տվյալներ: Այդ գործողություններով վնաս են պատճառվել Հայաստանի Հանրապետության ինքնիշխանությանը, տարածքային անձեռնմխելիությանը և արտաքին անվտանգությանը:

418-րդ հոդվածի 1-ին մասով հանրային քրեական հետապնդում հարուցելու մասին, որը բավարարվել է: Վարույթն իրականացնող մարմնի կողմից կայացվել է դատարան ներկայացնելու նպատակով ազատության մեջ գտնվող մեղադրյալին ձերբակալելու որոշում, որի կատարումը հանձնարարվել է Հայաստանի Հանրապետության ԱԾ համապատասխան ստորաբաժանմանը:

Դրանից հետո 43-ամյա տղամարդը, սեռական շահագրգռվածությունից ելնելով, հաղորդակցի հետ ձեռավորված շփումը շարունակական պահպանելու համար, վերջինիս առաջադրանքով 2023թ. հունվարի ամիսից մինչև 2024թ. փետրվար ամիսն ընկած ժամանակահատվածում հավաքել ու հանձնել է իրենց ստորաբաժանման պահպանության ներքո գտնվող մարտական դիրքի սպառազինության, զինատեսակների

ՀՀ ԱԾ և ՀՀ ԶԿ ծառայողների կողմից իրականացված գործողությունների արդյունքում ձեռք բերված փաստերի հիման վրա միջնորդություն է ներկայացվել հսկողություն իրականացնող դատախազին՝ 43-ամյա տղամարդու նկատմամբ ՀՀ քրեական օրենսգրքի

Հուլիսի 2-ին վերջինս ձերբակալվել է, տվել ինքնախոստովանական ցուցմունք: Նրան մեղադրանք է ներկայացվել:

Միջնորդություն է ներկայացվել դատարան՝ 43-ամյա անձի նկատմամբ կալանքը որպես խափանման միջոց ընտրելու վերաբերյալ, որը բավարարվել է: Նախաքննությունը շարունակվում է:

ԼՈՒՐԵՐ

ՎԱՐԳԵՆԻՄԻ ԶՈՐԱՄԱՍՈՒՄ ԶԻՆՎՈՐ Է ՄԱՐԱՑԵԼ

Երեկ առավոտյան պաշտպանության նախարարությունը հայտնել էր, որ զինվոր է մահացել: «Ժողովուրդ» օրաթերթին հայտնի դարձավ, որ երեկ մահացած պայմանագրային զինծառայողն ամուսնացած չէր, ապրում էր հարազատների հետ: Դեպքը եղել է Վարդենիսի զորամասում: Իրավապահներն այս պահին հարցաքննում են դիրքում գտնվող տղաներին, որոնք ասում են, թե որեւէ բան չեն տեսել: Ըստ նախկան վարկածի՝ պայմանագրային զինծառայողն ինքնասպան է եղել: Հիշեցնենք, որ հուլիսի 3-ին՝ ժամը 00:45-ի սահմաններում, ՊՆ N զորամասի պահպանության տեղամասում, դեռևս չպարզված հանգամանքներում կյանքի հետ անհամատեղելի հրազենային վնասվածք է ստացել պայմանագրային զինծառայող Սարգիս Արթուրի Խաչատրյանը: Դեպքի հանգամանքներն ամբողջովին պարզելու նպատակով ընթանում է քննություն:

ԱՆՁՆԱԳՐԻ ԺԱՄԿԵՑԸ ՀՆԱՐԱՎՈՐ ՉԷ ԵՐԿԱՐԱԶԳԵԼ

«Միգրացիա և քաղաքացիություն իրավաբանական գրասենյակի» տնօրեն Մնացական Բիչախյանն իրազեկում է.

«Թեև վաղուց կատարվել են օրենսդրական փոփոխություններ, բայց կան անձինք, ովքեր տեղյակ չեն դրանց մասին:

- Եթե լրանում է անձնագրի ժամկետը, այն չի երկարաձգվում ոչ մի դեպքում. պետք է դիմել անձնագրի փոխանակման համար:

- Եթե լրացել է անձնագրի ժամկետը, անկախ նրանից երբ եք դիմում փոխանակման համար, որեւէ տուգանք չի գործում:

- Եթե ՀՀ քաղաքացին ստացել է այլ պետության քաղաքացիություն, ՀՀ իրավասու մարմնին տեղեկացնելու պարտականություն սահմանված չէ (բացառությամբ այն կատարողի այն անձանց, ում արգելված է զբաղեցնել պաշտոն այլ պետության քաղաքացիություն ունենալու դեպքում):

- Եթե փոխում եք բնակության վայրը և ցանկանում եք հաշվառվել նոր վայրով, հաշվառումից դուրս գալու համար նախկին բնակության վայր ներկայանալ պետք չէ. նոր բնակության վայրի անձնագրայինը հաշվառելով ավտոմատ հանվում եք նախկին հասցեից»:

Բանն այն է, որ նախկինում հնարավոր էր անձնագրի ժամկետը երկարաձգել պարզապես ամսաթիվ փոխելով, իսկ այնժամ նախկին անձնագիրը մակնշվում է և դառնում է արխիվ:

ԴԱՏԱՐԱՆԻ ԱՌԱՋ Է

«ՖԱԶԻՆ» ԿԱԼԱՆՔԻՑ ԱԶԱՏԱԾ ԴԱՏԱՎՈՐԸ

Հունիսի 11-ին Շիրահարաների փողոցում ստանված ֆրեական հեղինակություն Սերգեյ Գրիգորյանին կալանքից ազատած դատավոր Արուսյակ Ալեքսանյանը Հակակոռուպցիոն դատարանում է:

ցինք, որ այն անձին, ում նա ազատել է կալանքից, սպանել են, ինչ է մտածում նա այս ամենի մասին:

Ավելի վաղ հայտնել էինք, որ հունիսի 11-ին Շիրահարաների փողոցում քրեական հեղինակություն Սերգեյ Գրիգորյանին՝ «Ֆազին» սպանության օրը դեպքի վայրում զննություն է իրականացվել: Իրավապահները դեպքի վայրից քիչ հեռավորության վրա հայտնաբերել են գրահաբաճկոն, որի վրա գրված է եղել «POLICE»: Իրավապահները ազգրավել են գրահաբաճկոնը ու չի բացառվում, որ այն կրել են ենթադրյալ մարդասպանները, իսկ հետո թողել են դեպքի վայրում ու հեռացել:

Շուտով կլրանա քրեական հեղինակություն «Ֆազին» սպանության 1 ամիսը, սակայն իրավապահ համակարգը դան

դաղում է աղմկահարույց քրեական գործի բացահայտման հարցում, ինչը խիստ կասկածների տեղիք է տալիս, թե ինչու են լուրն իրավապահները և ինչու դեպքից 21 օր անց դեռ անգամ չկա կասկածյալ:

Հավելենք, որ «Ֆազին» սպանության գործով այս պահին բազմաթիվ վարկածներ են քննվում, այդ թվում՝ կրիմինալ աշխարհում հայտնի Ռուստամ Ստեփանյանի՝ «չաղ Ռուստամ»-ի հետ իր հարաբերությունները, որոնք բավականին լարված են եղել: Նկատենք, սակայն, որ սպանության բացահայտման տեմպերը հուսադրող չեն: Լուրեր են պտտվում, որ Ռուստամ Ստեփանյանը՝ «չաղ Ռուստամ»-ը վայելում է իշխանությունների հովանավորությունը:

Նյութերը՝ ԶՆԱՐ ՄԱՆՈՒԿՅԱՆԻ

● Ըստ ոստիկանության տվյալների՝ հուլիսի 2-ից հուլիսի 3-ը ՀՀ ՆԳՆ ոստիկանության ստորաբաժանումների կողմից բացահայտվել է հանցագործության 97 դեպք, որից 3-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ԳՈՐԾԱՐԿՄԱՆ ԺԱՄԿԵՏԸ ԽԱՆՏՎԵԼ Է

Տավուշի մարզկենտրոնն հջեանը Բերդ քաղաքին կապող, Տավուշի սահմանագոտին շրջանցող Գանձաքար-Իծաքար-Նավուր-Բերդ ավտոճանապարհի մաս կազմող, 35 կմ երկարություն ունեցող Գանձաքար-Իծաքար ճանապարհի հիմնանորոգումը սկսվեց 2022 թվականին...

ՈՍՎԱՆ ՍՍՐԳՅԱՆ Տավուշ

ՀԱՆԳԻՍ

ՄՆԵՒԻ ԵՎ ԺԱՄԱՆՅԻ ԼԱՎԱԳՈՒՅՆ ՎԱՅՐԵՐԸ ԱՐՈՒ ԴԱԲԻՈՒՄ

Ամառային հանգիստ մեկ ամիս համաժամանակաբար ստացան եմբ արձակուրդին, որն իսկապես արժե վայելել:

ArmLur.am-ը Ձեզ է ներկայացնում սննդի եւ ժամանցի վայրերն Արու Դաբիում, որոնք արժե անայլման այցելել:

● «Շեյխ Ջայեդ» մեծ մզկիթ Այցելությունը թույլատրվում է 1 ժամ, առավոտյան 9-ից 10-ը:

● «Ferrari World Abu Dhabi» Աշխարհում առաջին Ferrari-ի ֆիրմային թեմատիկ այգին է, որտեղ կան ռեստորաններ, խանութներ, ընտանեկան ժամանցի վայրեր: Ferrari World Abu Dhabi-ն Յա կղզու հիմնական առանձնահատկությունն է՝ ԱՄԷ-ում ժամանցի եւ ժամանցի լավագույն ուղղությունը:

Այգին բաց է առավոտյան ժամը 10-ից մինչև երեկոյան 8-ը:

● «Յաս» ջրաշխարհ Ջրաշխարհը գտնվում է Յաս կղզում: Այն ունի ավելի քան 40 խաղային ատրակցիոններ եւ իր այցելուներին ընդունում է առավոտյան ժամը 10-ից մինչև երեկոյան 7-ը:

● Warner Bros Abu Dhabi Յաս կղզում գտնվող կենտրոնը ընկերության այս առաջին փակ այգին է: Այն բաց է առավոտյան ժամը 10-ից մինչև 7-ը եւ այստեղ ծախսում եք առնվազն 3 ժամ:

● «Քասր ալ Ուաթան» (Ալ Ուաթան պալատ) Քասր Ալ Ուաթանը անհավանական, նոր եւ եզակի տեսարժան վայր է Արաբական Միացյալ Էմիրություններում: Պալատը մատնանշում է Միացյալ Էմիրությունների տեսլականն ու ապագայի տեսլականը: Պալատը ձեզ եզակի հնարավորություն է տալիս հիանալու շքեղ միջանցքներով, որոնք անայլման ձեզ կթողնեն իմաստալից փորձ...



ներով, որոնք անայլման ձեզ կթողնեն իմաստալից փորձ. «Ուսումնասիրեք ցուցահանդեսներ, որոնք նշում են տարածաշրջանի հարուստ արաբական ժառանգությունը եւ ավելին իմացեք կառավարիչների եւ կառավարող հաստատությունների մասին, որոնք ձեւավորել են մեր մեծ ազգը»:

● Արու Դաբիի ազգային ջրային պարկ Այս աշխարհի լավագույն ջրային պարկերից է, որտեղ կարելի է տեսնել աշխարհի ամենամեծ փակ անձրեային անտառը: Այստեղ կան 46 հազար կենդանիների՝ 10 եզակի թեմատիկ գոտիներում, ինչպես նաեւ աշխարհի ամենաերկար ստորգետնյա թունելը: Այն բաց է առավոտյան ժամը 10-ից մինչև երեկոյան ժամը 10-ը:

● «Լույի Արու Դաբի» Այն այցելուների համար բաց է առավոտյան ժամը 10-ից մինչև ժամը 18:30: Մեկ տոմսի արժեքը՝ 18.85 դոլար:

● «Յաս» կղզու ջրային աշխարհ Փակ ջրային աշխարհ է, որն ունի ավելի քան 100 ժամանցի կետ: Այն այցելուների համար բաց է առավոտյան ժամը 10-ից մինչև երեկոյան 6-ը:

Արու Դաբի այցելության ժամանակ չպետք է մոռանալ զբոսանքն անապատում, որի արժեքը միջինում տատանվում է 60 դոլարի շրջակայքում, քաղաքային զբոսանքը, որն արժե մոտ 200 դոլար, ինչպես նաեւ մզկիթ, պալատ եւ աշտարակ այցելությունը, որի արժեքը միջինում 100 դոլարի շուրջ է տատանվում:

Ուրախ ամառային արձակուրդներ: ՀՈՒԻ ԲԱՂՂԱՍՍՐՅԱՆ

ԼՈՒՐԵՐ

ՄԻԱՆԳԱՄԻՑ՝ ԵՐԿՈՒ ԱՆԱՔԵԼՈՒԹՅՈՒՆ

Առաջիկա տարիներին Չինաստանը նախատեսում է առաքելություններ ուղարկել դեպի Մարս (Tianwen-3) եւ դեպի Յուպիտեր (Tianwen-4): Այս մասին հայտնում է China Daily թերթը: Նշվում է, որ Tianwen-3 առաքելության շրջանակներում նախատեսվում է վայրէջք կատարել Մարսի մակերեսային, հավաքել այդ մոլորակի հողի նմուշներ եւ ուղարկել Երկիր: Առաքելությունը նախատեսվում է գործարկել 2030 թ.-ին: Tianwen-4 ավտոմատ միջմոլորակային կայանը, որը Յուպիտերի համակարգն ուսումնասիրելու համար է նախատեսվում է գործարկել մոտավորապես նույն ժամանակ: Չինացի մասնագետներն արդեն սկսել են աշխատել Երկու առաքելությունների վրա: Թերթը հիշեցնում է, որ հունիսի 25-ին Չինաստանը մարդկության պատմության մեջ առաջին անգամ Երկիր է հասցրել Լուսնի հակառակ կողմի հողից նմուշառումներ:

ՀԱՆԳԻՍՏԸ՝ ՄԵՎԱՆՈՒՄ

Ամառային հանգստի ժամանակները արդեն սկսվել են: Շատ քաղաքացիներ իրենց հանգիստն անցկացնում են Հայաստանում: Ամեն տարի հայերի մեծամասնությունը պարտադիր կերպով այցելում է կապուտաջյա Սեւան: «Ժողովուրդ» օրաթերթն այս անգամ անդրադարձել է Սեւան լճի ափամերձ հատվածում գտնվող տնակների արժեքներին՝ հասկանալու համար՝ ի՞նչ արժե հանգիստը այնտեղ: Այսպիսով՝ «Լողափ Արփի» ընտանեկան հանգստի գոտում առանց սանհանգույց 4 հոգու համար նախատեսված տնակները արժեն 10.000 դրամ: Կրկին առանց սանհանգույց 6 հոգու համար նախատեսված տնակի արժեքը 15.000 դրամ է: Տնակները սանհանգույցով եւ լոգարանով՝ 25.000-30.000 դրամի սահմաններում են տատանվում: «Artanish Beach House» առանձնատունը ունի 3 հարկ, որտեղ կա իյուրասենյակ, կահավորված խոհանոց, 5 ննջարան, 2 սանհանգույց լոգարանով: Ու-

նի 2 մուտք: Առանձնատունը նախատեսված է 15 հոգու գիշերակացի համար: 1 օրվա արժեքը՝ 50.000 դրամ: «Վոյաժ» հանգստի գոտում 2-4 անձի համար նախատեսված քրթեջների արժեքը 23.000 դրամ է, luxe-ը՝ 30.000 դրամ: Իսկ 4-6 անձի համար նախատեսվածը՝ 22.000 դրամ: Փոքրիկների համար ափին առկա են լողավազան, խաղաղաշտ, իսկ մեծերի համար՝ սկուտեր, կատամարան: Տարածքում գործում է սրճարան-ռեստորան: Քրթեջներում առկա են՝ սառնարան, սանհանգույց՝ տաք եւ սառը ջուր: «Անտառային տնակ» ամառանոցը շրջապատված է տոճիների անտառով, նախատեսված է ընտանեկան հանգստի համար: Տարածքում կա 2 տաղավար՝ մեծ (40-45 տեղանոց) եւ փոքր (8-10 տեղանոց), այդուհետեւ մանրալ բոլոր պարագաներով, բացօթյա պատշգամբ, խոհանոց (սպասք, սառնարան, տաք ջուր, թեյնիկ), սանհանգույց (առաջին անհրաժեշտության հիգիենիայի պարագաներով): Առանձնատունը ունի անմիջական ելք դեպի լճի ափ (50մ) եւ մոտ է Սեւանավանքին: ԷՄՍՍ ՄԱՐՏԻՐՈՍՅԱՆ

● Անցած 1 օրվա ընթացքում հանրապետությունում արձանագրվել է ճանապարհատրանսպորտային 14 պատահար. 1 մարդ զոհվել է, 25-ը՝ ստացել տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ՀԱՅՏԱՐԱՐՈՒԹՅՈՒՆ

ՄԲՑՈՒՅԹ

«Կոտայքի տարածաշրջանային պետական քոլեջ» ՊՈԱԿ

(ուսումնական հաստատության անվանումը)

տնօրենի թափուր պաշտոնն զբաղեցնելու համար ՀՀ կառավարության 2014 թվականի դեկտեմբերի 25-ի N 1494-Ն որոշմամբ հաստատված՝ նախնական մասնագիտական (արհեստագործական) և միջին մասնագիտական պետական ուսումնական հաստատության տնօրենի ընտրության կարգի 4-րդ կետի համաձայն՝ «Կոտայքի տարածաշրջանային պետական քոլեջ» ՊՈԱԿ

ի

(ուսումնական հաստատության անվանումը)

Լիազոր մարմինը հայտարարում է մրցույթ՝ հաստատության տնօրենի պաշտոնի թափուր տեղն զբաղեցնելու համար:

1. Հաստատության տնօրենի պաշտոնի համար անցկացվող մրցույթին մասնակցելու պարտադիր պայմաններն են՝

- 1) ՀՀ քաղաքացիությունը
- 2) ուսումնական հաստատության ղեկավարման իրավունքը (հավաստագիր)
- 2. Մրցույթին մասնակցելու համար հավակնորդը ներկայացնում է՝
 - 1) դիմում՝ կառավարման խորհրդի նախագահի անունով
 - 2) Հայաստանի Հանրապետության քաղաքացու անձնագրի կամ նույնականացման քարտի պատճենը
 - 3) հաստատության ղեկավարման իրավունքի հավաստագրի պատճենը
 - 4) տվյալ հաստատության 5 տարվա զարգացման ծրագիրը թղթային և էլեկտրոնային տարբերակներով՝ սույն կարգի 26-րդ կետի պահանջներին համապատասխան
 - 5) ինքնակենսագրություն:

Փաստաթղթերի պատճենները խորհրդի նախագահին կամ քարտուղարին առձեռն ներկայացնելու դեպքում պետք է ներկայացնել բնօրինակների հետ:

Փաստաթղթերն ընդունվում են Կոտայքի տարածաշրջանային պետական քոլեջում. հասցեն՝ Կոտայքի մարզ, քաղաք Հրազդան, Կենտրոն թաղամաս 96:

2024 թվականի հուլիսի 4-ից 2024 թվականի հուլիսի 25-ը ներառյալ, ամեն օր՝ ժամը 9:00 -ից մինչև ժամը 16:00-ն, բացի հանգստյան (շաբաթ, կիրակի) և օրենքով սահմանված ոչ աշխատանքային՝ տոնական և հիշատակի օրերից:

Մրցույթը տեղի կունենա 2024 թվականի օգոստոսի 5-ին՝ ժամը 13:00-ին Կոտայքի տարածաշրջանային պետական քոլեջում, հասցեն՝ Կոտայքի մարզ, քաղաք Հրազդան, Կենտրոն թաղամաս 96:

Տեղեկությունների համար դիմել 033273232, 093159381 հեռախոսահամարներով և statecollege@list.ru էլեկտրոնային հասցեով:

ԱՐՏԱՐԱՆՈՒՄ

ԳՅՈՒՂԱՏՆՏԵՍԱԿԱՆ ՈՒՈՐՏԻ ՑՈՒՑԱՆԻՇՆԵՐ

2023-ին գյուղատնտեսության համախառն արտադրանքը կազմել է 948 մլրդ դրամ: Այս մասին երեկ՝ 3-ին, մամուլի ասուլիսի ժամանակ նշեց էկոնոմիկայի փոխնախարար Արման Խոջոյանը:

«Բացի այդ, ձկնաբուծության ոլորտը լրացուցիչ 55 մլրդ դրամի համախառն արտադրանք է ապահովել, եւ միասին մենք ունեցել ենք 1 տրլն 3 մլրդ դրամ համախառն արտադրանք: Քանակական առումով մենք 2023-ին ոչ ունեցել ենք գյուղատնտեսական արտադրանքի աճ, ոչ էլ՝ նվազում: 2024-ին ամփոփված են դեռեւս առաջին եռամսյակի արդյունքները: Ըստ այդմ՝ գյուղատնտեսական համախառն արտադրանքը աճել է 3,4 տոկոսով:

Տարեցտարի կառավարությունն ավելացնում է գյուղատնտեսության ոլորտին տրամադրվող բյուջեն: Եթե համեմատենք 10 տարի առաջվա հետ, գյուղատնտեսության բյուջեն ավելացել է 6-7 անգամ: Միանշանակ մարտահրավերներն են ավելացել, որոնք ստիպում են վերադասավորումներ կատարել շուկաների, լոգիստիկ շղթաների»,- ասաց Խոջոյանը:

Նրա խոսքով՝ իրենց հիմնական նպատակը ռեսուրսախնայող տեխնոլոգիաների, գյուղատնտեսության զարգացմանը միտված, նաեւ գյուղատնտեսական նոր մշակույթի ձեւավորմանն ուղղված ծրագրերն են: «Դրանք միտված են ավելի երկարաժամկետ ազդեցություն թողնելու ոլորտի վրա: Ընդհանուր առմամբ, 2024-ին ՀՀ-ից արտահանվել է շուրջ 62 հազար տոննա թարմ պտուղ-բանջարեղեն: Նախորդ տարվա նույն ժամանակահատվածի համեմատ այն ավել է 10 հազար տոննայով:

Մենք 2023-ին արտահանել ենք 133 հազար տոննա թարմ պտուղ-բանջարեղեն:



Դրա մեջ ծիրանի արտահանումը, օրինակ, կազմել է 30 հազար տոննա: 2024-ին այսօրվա դրությամբ արդեն ՀՀ-ից արտահանվել է 20 հազար տոննա ծիրան:

2024-ին արտահանվել է շուրջ 11,5 հազար տոննա խնձոր, նախորդ տարի արտահանվել էր 3,8 հազար տոննա, այսինքն՝ էապես ավելացել է:

Լուլիկի արտահանումը մի փոքր կջճատվել է. այս տարի արտահանել ենք 6,1 հազար տոննա լուլիկ, 2023-ին արտահանվել է 14 հազար տոննա լուլիկ: Իսկ ահա, այս տարի արտահանել ենք 4700 տոննա վարունգ, իսկ նախորդ տարի այդ թիվը կազմում էր ընդամենը 400 տոննա: Անգամնե՛րով ավելացել է ծաղիկի արտահանումը»,- ընդգծեց փոխնախարարը:

Նա ընդգծեց, որ այս պահի դրությամբ վերամշակող կազմակերպությունների կողմից մթերվել է շուրջ 6 հազար տոննա պտուղ-բանջարեղեն:

Փոխնախարարն անդրադարձել է նաեւ Վերին Լարսին:

Դատելով ընդհանրացված թվերից՝ կարող ենք ասել, որ 2024-ին արդեն այսօրվա դրությամբ շուրջ 10 հազար տոննա կամ շուրջ 20 տոկոսով ավելի թարմ պտուղ-բանջարեղեն է արտահանվել, նշել է էկոնոմիկայի փոխնախարար Արման Խոջոյանը:

«Ես հաճախ չեմ ցանկանում խոսել այն ծրագրերի մասին, որոնք նախագծման փուլում են գտնվում, բայց էկոնոմիկայի նախարարությունում այս պահին մշակման փուլում է գտնվում հենց լոգիստիկայի աջակցության մի ուրիշ նախագիծ», - ասաց նա:

Հարցին՝ Լարսում այս պահին խնդիրներ կան, նա պատասխանեց. «Այս պահին՝ ոչ»:

ԷՄՍԱ ՍԱՐՏԻՐՈՍԱՆ

ԻՆՉ Է ԿԱՏԱՐՎՈՒՄ ՍԵՎԱՆԻ ԱՓԻՆ

2019-ի մայիսին Նիկոլ Փաշինյանը հայտարարեց. «Մեր խնդիրը Սեւանի առափնյա միջավայրը համադասախանցեցնելն է այն կարգավիճակին, որ Սեւանը լիճն ընդհանրապես ունի որդես սեառժամ վայր, որդես քաղցրահամ ջրի առեղծի դառար, եւ որդես ՀՀ կարեւոր սիմվոլներից մեկը»:

Սակայն երեկ ԱԺ պատգամավոր Թագուհի Թովմասյանը հրապարակեց տեսանյութ, թե ինչ խայտառակ վիճակում են գտնվում Սեւան լճի ափամերձ տարածքները, որոնք Նիկոլ Փաշինյանը դեռ 2019-ին խոստացել էր մաքրել, սակայն ափամերձ շատ տարածքներ այսօր գտնվում են անմխիթար վիճակում:

«Ժողովուրդ» օրաթերթը փորձեց պարզել, թե ինչ է արել այս ուղղությամբ շրջակա միջավայրի նախարարությունը: Նախարար Հակոբ Սիմոնյանի էջից տեղեկացանք, որ դեռ երկու տարի առաջ դեկտեմբերի 27-ին նախարար Սիմոնյանը իր ֆեյսբուքյան էջում հայտարարել էր, թե Սեւան լճի ճահճացող հատվածները մաքրվում են, անգամ հանրային հեռուստաընկերության անդրադարձը կար, թե ինչպես է մաքրվում Սեւանի ափամերձ տարածքները Սեւան ազգային պարկի միջոցներով:

Նույն Մարտունի Վարդենիս հատվածից ԱԺ պատգամավոր Թագուհի Թովմասյանի հրապարակած տեսանյութում արձանագրված է, որ լիճը աղբի և տիղմի մեջ է,

իսկ պատկան մարմինները անտարբերության են մատնել մեր ազգային հարստությունը:

Հիշեցնենք, որ Սեւան լիճը տարիներ շարունակ այս իրավիճակում է, ծառերի մի հատվածը կտրվել են մինչև 2018 թվականը, արմատները թողնված էին ջրի մեջ, բայց Նիկոլ Փաշինյանը, երբ իշխանության եկավ, խոստացավ, որ մաքրելու է լիճը:

Իհարկե, էլի խաբեց, ինչպես մյուս բոլոր դեպքերում:

Այդ ընթացքում Նիկոլ Փաշինյանի կառավարության մեջ փոխվել է 3 նախարար, սակայն Սեւանն այդպես էլ չի մաքրվում:

ՔՐՈՒՍԻՆԱ ՍՈՒՆԵՐՅԱՆ

ԱՃՈՒՐԴԻ ՀԱՅՏԱՐԱՐՈՒԹՅՈՒՆ

Աճուրդի կազմակերպման և անցկացման մասին 2024թ. հուլիսի 22-ին, ժամը 12:00-ին «ԱՐ.ՔԵՅ» ՍՊԸ սնանկության գործով կառավարիչ Ա. Էլոյանի կողմից ք. Երեւան, Խորենացի 160 հասցեում կանցկացվի «ԱՐ.ՔԵՅ» ՍՊԸ սեփականության իրավունքով պատկանող գույքի աճուրդ՝ 1 ԼՏՏ-ով: Գույքն իրենից ներկայացնում է՝ LNS-1.SEAT INCA 1.4 մակնիշի, 773 AU 6101 հաշվառման համարակիցի բեռնատար ավտոմեքենան: Մեկնարկային գինը սահմանվում է 700.000 ՀՀ դրամ: Աճուրդին մասնակցելու համար պետք է ներկայացվեն՝ - Աճուրդի ներկայացված լոտի մեկնարկային գին 1%-ի չափով մասնակցության վճարի վճարումը հավաստող փաստաթղթի պատճենը:

Աճուրդի ներկայացված լոտի մեկնարկային գին 5%-ի չափով նախավճարի վճարումը հավաստող փաստաթղթի պատճենը: Մասնակցության վճարը կազմում է մեկնարկային գին 1 տոկոսը, բայց ոչ ավել, քան նվազագույն աշխատավարձի երկուարյուրապատիկը, իսկ նախավճարը մեկնարկային գին 5 տոկոսը: Աճուրդի մասնակից չհամարվող անձանց համար աճուրդի մուտքի վճարը սահմանվում է 5000 ՀՀ դրամ: Աճուրդի մասնակցության վճարը, նախավճարը եւ մուտքի վճարը վճարվում են կանխիկ կամ փոխանցումով «ԱՐ.ՔԵՅ» ՍՊԸ սնանկության հաշվին՝ «ԱՄԻՕ ԲԱՆԿ» ՓԲԸ-ի «Էրեբունի» մասնաճյուղ 1150011527647604 հաշվառման միջոցով: Աճուրդի ներկայացնելու պահին: Հայտի ներկայացմանն անհյվող հարցերը, աճուրդի անցկացման և աճուրդի արդյունքներով

պայմանավորված հարաբերությունները կանոնակարգվում են ՀՀ արդարադատության նախարարի 16.03.2020թ. թիվ 116-Ն հրամանով հաստատված կարգով, որը համարվում է աճուրդի կանոնակարգ: Աճուրդին մասնակցել ցանկացողները սույն հայտարարությունից հետո՝ ընդհուպ մինչև աճուրդին նախորդող օրվա ժամը 16:00-ը կարող են հայտ ներկայացնել ՀՀ սնանկության դատարան /ք.Երեւան, Օտյան 53/2/: Աճուրդն անցկացվում է դասական եղանակով՝ հաղթող է համարվում առավել բարձր գին առաջարկած մասնակիցը: Ցանկացողները կարող են լուրս ուսումնասիրել, ինչպես նաեւ աճուրդի կանոնակարգին ծանոթանալ դիմելով կառավարիչ՝ Ա. Էլոյանին / 094 411 487 /:

«Ժողովուրդ» օրաթերթում և Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՄՇԱԿՈՒՅԹ

ԻՆՉ Է ՍՊԱՍԿՈՒՄ

«ՈՍԿԵ ԾԻՐԱՆԻ» ՊԱՏՎԱՎՈՐ ՀՅՈՒՐԵՐԸ

Երեւանի «Ոսկե ծիրան» միջազգային կինոփառատոնը 21-րդ անգամ Հայաստանում կայանալու է...



21-րդ «Ոսկե ծիրան»-ին հյուրերը ոչ թե կարմիր գորգով կքայլեն, այլ հայկական ձեռագործ գորգով...

բոլոր այն դավադրապատկան տեսությունների մասին, որոնք կապված են Լեդի Գադայի «911» տեսահոլովակի հետ...

ՀՈՒՐԻ ԲԱՂՈՎԱՍՏԱՐՅԱՆ

ՄԱՐԶԱԿԱՆ

ՀՌԻՓՍԻՄԵ ԽՈՒՐՇՈՒԴՅԱՆԸ ԱՎԱՐՏՈՒՄ Է ԿԱՐԻԵՐԱՆ



Ծանրամարտի Եվրոպայի ջեմպիոն, արծաթե եւ կրկնակի բրոնզե մեդալակիր Հռիփսիմե Խուրշուդյանն ավարտում է մարզական կարիերան...

«ՆՈՒՆ» ԸՆԲՐՈՒՆԱԿՈՒՄ Է ՀԱՄԱԼՐԵԼ ԿԱԶՄԸ

Հայաստանի փոխջեմպիոն «Նույնի» է միացել Գոնսալո Գոբգորիին: Պորտուգալացի հարձակվողը կարիերայի մեծ մասն անցկացրել է հայրենիքում...

ՄՇԱԿՈՒԹԱՅԻՆ ԻՐԱԶԵԿՈՒՄ

ՎԵՐԱՆՈՐՈԳՎՈՒՄ Է «ՊԱՏԱՆԻ ՀԱՆԴԻՄԱՏԵՄԻ» ԹԱՏՐՈՆԸ

Երեւանի պատանի հանդիսատեսի թատրոնը, որտեղ գործում են Նաե ստեղծագործական կենտրոնները, վերանորոգվում է...

րը, ինչպես նաեւ դռները եւ պատուհանները, - մանրամասնել է Երեւանի քաղաքապետարանի շինարարության եւ բարեկարգման վարչության պետի Ժ/պ Արմեն Հարությունյանը:

տանի հանդիսատեսի թատրոնը», - նշել է Արմեն Հարությունյանը: Կվերականգնվեն նաեւ շենքի արտաքին պատերը՝ չխախտելով ճակատի ճարտարապետական կերպը:

ՄԱՐԱՑԵԼ Է ԳՈՅ ԹԱՏՐՈՆԻ ՀԻՄՆԱԳԻՐԸ

Կյանքից հեռացել է Գոյ թատրոնի հիմնադիր, բեմաստեղ Մկրտիչ Մկրտչյանը: Գոյ թատրոնի անձնակազմը եւ «Ժողովուրդ» օրաթերթը իրենց ցավակցությունն են հայտնում նրա ընտանիքին եւ հարազատներին:

● Հուլիսի 9-ին՝ ժամը 19:00-ին, Երեւանի պետական կամերային թատրոնում տեղի կունենա «Կուլիսներում, կամ թատրոնի անատոմիա» կատակերգությունը: Տոմսերի արժեքը՝ 3000-8000 դրամ:



ՄԱՔՍԱՎՅԻՆ

ՀԱՐՑ. Խնդրում եմ ասել՝ Երևանում գրանցված կազմակերպությունը երրորդ երկրից աղբահանող ներմուծելիս մաքսային ձեռակերպումները կարող է առդյոք իրականացնել Սիսիանում:
Կարո Զարոյանյան (38 տարեկան)



ՊԱՏԱՍԽԱՆ. Քաղաքացու հարցին ի պատասխան՝ տեղեկացնում ենք, որ Հայաստանի Հանրապետության կառավարության առընթեր մաքսային պետական կոմիտեի 2003 թվականի հուլիսի 4-ի N03/42-Ն հրամանի 1-ին կետի համաձայն՝ կազմակերպությունների կողմից Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային ձեռակերպումների իրականացման վայրեր են այն տարածաշրջանային մաքսատները, որոնց գործունեության գոտին ընդգրկում է տվյալ կազմակերպության գտնվելու վայրը:

Հայաստանի Հանրապետության կառավարության 2005 թվականի հունիսի 9-ի N 865-Ն որոշման 2-րդ կետի գ) ենթակետի համաձայն՝ Արարատյան տարածաշրջանային մաքսատան գործունեության տարածք է հանդիսանում Երեւանը, Հայաստանի Հանրապետության Արարատի, Արմավիրի, Արագածոտնի, Կոտայքի եւ Գեղարքունիքի մարզերի վարչական տարածքները, ուստի Երեւանում գրանցված կազմակերպության կողմից ապրանքների ներմուծման դեպքում մաքսային ձեռակերպումների իրականացման վայր է համարվում Արարատյան տարածաշրջանային մաքսատունը:

ՀՀ պետական եկամուտների կոմիտե

«ԺՈՂՎՈՒՐԳ». Նշենք, որ Հայաստանի Հանրապետության կառավարությունը կարող է թույլատրել «Վերամշակում» մաքսային տարածքում՝ մաքսային ընթացակարգով հայտարարագրված ապրանքների բացթողնումը կամ ներմուծված ապրանքների նկատմամբ կիրառված «Վերամշակում» մաքսային տարածքում՝ մաքսային ընթացակարգի ժամկետի երկարաձգումը միայն մեկ անգամ մինչև երկու տարին չգերազանցող ժամկետով:

Էջը՝ ԱՆՎԱՐԴ ԿՈՇԿԱԿԱՐՅԱՆԻ

ՍՈՑԻԱԼԱԿԱՆ

ՀԱՐՑ. Ե՞րբ է թույլատրվում փոփոխել աշխատանքի էական դայմանները:
Մարինե Մարգարյան (36 տարեկան)



ՊԱՏԱՍԽԱՆ. Աշխատանքի վայրի, աշխատանքի վարձատրության չափի եւ (կամ) այն որոշելու ձեւի, արտոնությունների, աշխատաժամանակի (աշխատանքի եւ հանգստի) ռեժիմի, տարակարգերի եւ պաշտոնների անվանումների, աշխատանքային պայմանագրի տեսակի եւ (կամ) գործատուի փոփոխման դեպքում թույլատրվում է փոփոխել աշխատանքի էական պայմանները: Փոփոխելու դեպքում գործատուն պետք է գրավոր ծանուցի մինչև 1 տարի աշխատողին ոչ ուշ, քան 14 օր առաջ, 1-5 տարի աշխատողին՝ 35 օր առաջ, 5-10 տարի աշխատողին՝ 42 օր առաջ, 10-15 տարի աշխատողին՝ 60 օր առաջ:

ՀՀ աշխատանքի եւ սոցիալական հարցերի նախարարություն

«ԺՈՂՎՈՒՐԳ». Աշխատանքային պայմանագիրը կողմերի համաձայնությամբ լուծելիս մի կողմը գրավոր առաջարկում է մյուս կողմին լուծելու պայմանագիրը: Համաձայնության դեպքում մյուս կողմը 7 օրվա ընթացքում պետք է ծանուցի առաջարկ ներկայացրած կողմին, որից հետո կնքվում է գրավոր համաձայնագիր:

ԼՈՒՐ ԿԱԴՐ

Լուսանկարը՝ համացանցից



Քաղաքի խանութ-սրահներից մեկում շաբաթասանուղի մոտ, ահա այսպիսի գրառում է փակցված: Այս ամենում գոնե միսիթարող կլիներ, եթե գրված լիներ «Էսկալատոր» բառի հայերեն համարժեքը:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
 Բաժանորդագրվելու
 համար կարող եք դիմել

«Հայմամուլ» ՓԲԸ
 հեռ. 45-82-00, 45-19-11

«Հայփոստ» ՊՓԲԸ
 հեռ. 51-45-46, 51-45-47

«Բլից-Մեդիա» ՍՊԸ
 հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
 Ազգանուն՝ _____
 Առաքման հասցե՝ _____
 Բջջային եւ/կամ քաղաքային հեռախոս՝ _____

Հեռ.՝ (060) 490049
 0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Շիրակ	+7 + 12 +25 + 29	Արարատ	+19 + 21 +34 + 36
Կոտայքի լեռներ	+8 + 10 +24 + 27	Արմավիր	+18 + 20 +34 + 36
Կոտայքի նախալեռներ	+19 + 21 +30 + 33	Վայոց ձորի լեռներ	+8 + 10 +24 + 27
Գեղարքունիք	+7 + 11 +24 + 28	Վայոց ձորի նախալեռներ	+17 + 19 +33 + 35
Լոռի	+9 + 14 +25 + 28	Սյունիքի հովիտներ	+18 + 21 +31 + 34
Տավուշ	+14 + 19 +29 + 33	Սյունիքի նախալեռներ	+12 + 16 +25 + 28
Արագածոտնի լեռներ	+7 + 9 +23 + 27	ԼՂՀ	+12 + 15 +24 + 26
Արագածոտնի նախալեռներ	+16 + 20 +29 + 33	Երեւան	+22 + 24 +32 + 34

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
 Հասցեն՝ ք. Երեւան, Աբովյան 22^ա/3, հեռ՝ 010 54-64-23
 Պետական գրանցման վկայականի համարը՝ 03Ա089086
 տրված է 24.11.2010
 Ստորագրված է տպագրության 3.7.2024

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում
 խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: